

B. N. C  
FIRENZE  
1023  
25



1023.25

DE  
COMETE

Ad Illustriss. ac Reuerendiss.

Archiep. Rauennæ &c.

LVCAM TORREGIANVM

Dominum meum multis mihi  
titulis colendum

*Hip. Nani Eleph. Vrania.*



*Nani*

XI

NANI

MISSISSIPPI

at the office of the

COMMISSIONERS

of the State of Mississippi

for the purpose of

LANDS FOR SALE

in the State of Mississippi

and for the purpose of

the State of Mississippi

for the purpose of

ILLVSTRISSE,  
ac Reuerendissime Præsul.



Vi super æthereâ natus regione Cometes?  
Qui globus ignitus? quæ noua Stella micat?  
An vapor accensus? flammisne alimenta ministrat  
Lutea congeries, quæ super astra volat?  
An Marti coniuncta Venus generauit adustam,  
Siue ea Mercurij Stella maligna facem?  
Filia Saturni fusco saturata colore,  
Nuntiet vt mortem pallidus ille color?  
An rutilas à Sole comas, lumenq; refractum  
Mutuat, an proprijs ardet in exequijs?  
Visa fuit nobis mediati mense Decembris,  
Vt sit principium, sed sine fine, mali,  
Nascitur opposito redeuntis tramite Solis,  
Effectus subitos ex Oriente parit,  
Qui geniti durare solent tot mensibus Anni,  
Quot suprà terram cauda diebus erit;  
Mobilis aspectu primo tendebat ad Austrum,  
Et pede retrogrado meridiana fuit,  
Stare loco nescit, rapitur vertigine Cœli,  
An mutat faciem, mutat vt illa locum?

Seruat adhuc capitis discum, formamq; priorem,  
Dum fluida currens mobilitate natat,  
Si Libram tangat, si claustrum Virginis intret,  
Currit inæquali, sed fugitiua, gradu,  
Vritur infelix, toto quasi Clytia Coelo  
Auersata iubar quod fugit, hoc sequitur;  
Centaurus caput, & caudam prospectat Orion,  
Crinitum cingunt Coruus, & Hydra latus;  
Si Coelum rapitur, propria virtute mouetur,  
Errant, sed certis sydera rapta modis,  
Motibus alternis proprios deducimus ortus,  
Ex quibus effectum verificare licet:  
Quicquid id est, Coeli fatalis lingua timenda est;  
Stella comam ducens prodigiale rubet,  
Hæc primum mentitur iter, conuersaq; cursum  
Non duraturo lumine præcipitat,  
Iàm variat, mutatq; vices, iàm præterit Hydram,  
Iàm diuersa tenens se reuoluta rotat,  
Et salit, & resilit, partesq; recursat in omnes,  
Lumine dum nobis proditur illa suo;  
Pleiades, Eridanus, totius Regia Coeli  
Mirantur celerem peruolare globum;  
Arbitra Stellarum Taurum, Cetusq; fatigat,  
Imperat aerijs ambitiosa plagis,

Excelsi Regina poli, crinemq; repexa  
 Percurrit totam Solis vtramq; domum,  
 Attollit sublime caput, mihi credere fas est,  
 Hanc suprâ Lunam motibus ire suis:  
 Si quæras, quid sit, vel quid ferat iste Cometes,  
 Nil, nisi funebrem dixeris esse facem,  
 Est mortis lampas Stellis accensa malignis,  
 Semper & infaustæ semina lucis habet:  
 Sic Domini miramur opus, Populiq; salutem  
 Sydera, dum gaudent hac novitate poli:  
 Si scirent arcana Dei, seu qualis inesset  
 Spiritus, aut superis vis operosa focis,  
 Non sic oculis spectarent lumina Cæli,  
 Et cordis quaterent ex adamante fores:  
 O' quot regnorum clades, mortesq; minatur?  
 Vix tantis tellus sufficit vna minis,  
 Sic Deus avertat pestem, quam fusca retorquet,  
 Quotq; reluctatur sanguinolenta neces;  
 Veh populis, quos stella ferox de vertice spectat;  
 Est verticalis pernitiōsa lues,  
 Si trepidat medijs residens in cardine Cæli,  
 Vicinam mortem Regibus esse monet,  
 Occidit, occidit, nam strages nuntiat astrum,  
 Si moriens rutilo lumine se rapiat;



Subiectas Asiæ partes, Urbesq; iacentes,  
 Territat, heu miseris quanta ruina locis?  
 Bosphorios, Turcasq; ferit, Bizantia regna,  
 Horret in aspectu barbara luna suo;  
 Externos hostes, peregrinaq; bella ciebit,  
 Numinis irati vox, oculusq; minax;  
 Dij nobis meliora ferant; non dira fatiscit,  
 Phenomenon nulla nobilitate viget;  
 Quid generet crinitus apex, & nucleus Astri?  
 Lucenti Spurio regula nulla datur;  
 Est index, non causa mali; sine lege vagatur,  
 Et certas leges ponere flamma potest?  
 Hæc sunt signa Dei superam monstrantia mentem,  
 Vicinas clades, funera, bella, famem.  
 Cum precibus placatè Deum, dum tempus habetis,  
 Extorquent manibus fulmina, prompta preces:  
 Mortalis triplici præcordia roborat ære,  
 Et nullum mortis pertimet ille gradum:  
 Scilicet, ò LVCA, nobis spectacula præbet,  
 Hac face terrarum ludit in Orbe Deus;  
 Tū, qui cuncta sapis, viso dominaberis astro,  
 Qui forti studio fata inimica domas,  
 Hermathena tibi est, quæ clara volumina celat,  
 Tutus in hoc Cœlo sydera nulla times:

Quæ

Quæ docet Astronomus, cecini; documenta Stagira;  
 Iam taceant, audi, quid mea musa ferat;  
 Si vapor est terræ, aut superæ regionis abortus,  
 Dic mihi, quid nobis fumus, & umbra nocent?  
 Si rapitur leuitate focus, vanescet in auras,  
 Delectatq; oculos flammea mappa meos;  
 Cur non felices sortes prædixerit ignis?  
 Tristes euentus qua ratione probas?  
 Lurida materies similes produxerit actus?  
 Quis scit an in Coeli sit regione lutum?  
 Septem à Christo, & sexaginta fuere Cometes,  
 Et tamen hic mundus durat in orbe suo,  
 Cur fortunatos potius non indicet annos,  
 Quàm mala, quàm strages vltimus iste, notet?  
 O' mihi si liceat rerum cognoscere causas,  
 Quas ego: sed sensum religione premam,  
 Si liceat lustrare polos, lunæq; recessus,  
 Plurima dum canerem, quanta canenda forent?  
 Sunt arcana Dei, non cognita signa Cometes  
 Et poterunt nobis conciliare bonum;  
 Quæ Reges Tharsi scintillans Stella præibat,  
 Tesqua per & syluas semper amica fuit:  
 Nemo est qui doceat fatalis dogmata libri,  
 Qui sapit, ille tacet, qui tacet, ille sapit;

Quan-

Quando Deus loquitur, stellatus panditur Æther,  
 Nostraq; præsentì Numine corda gelant:  
 Os aperit Cœlum, quis tanta oracula nouit?  
 Surdus ad has voces quomodo uiuit Homo?



Bononiæ, Typis Io. Baptistæ Ferrouij, 1663.  
 Superiorum permissu.

MC

